

Broj:UB-1/3-2421-1/23
Sarajevo, 15.03.2023.godine

Postro i ministarstvo
Federacija Bosne i Hercegovine
PARLAMENT FEDERACIJE
SARAJEVO

Primljeno: 16-03-2023

Org. jed	Broj	Priloga	Vrijednost
051A	- 02-	65	123

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BiH
ZASTUPNIČKI/PREDSTAVNIČKI DOM
n/r Tajnik/Sekretar**Predmet:** Odgovor na poslaničko pitanje – dostavlja se

U vezi dopisa broj: 05/1-02-65/23 od 02.03.2023.godine kojim je dostavljeno zastupničko pitanje koje je postavio gosp. Admir Čavalić, zastupnik u Zastupničkom domu Parlamenta Federacije BiH, ovim putem Union banka d.d. Sarajevo dostavlja odgovor kako sljede:

Ured za reviziju institucija u Federaciji BiH svoju mjerodavnost temelji na članu 11. stav 3. Zakona o reviziji institucija u Federaciji BiH koja obuhvata preduzeća čiji je većinski vlasnik država, s ciljem osiguranja neovisnog mišljenja o finansijskim izvještajima.

Union banka d.d. Sarajevo nije revidirana institucija u postupku revizije finansijskih i drugih izvještaja u skladu sa Zakonom o reviziji institucija u Federaciji BiH jer banka kao zasebno pravno lice nije navedena u članu 11.ovog Zakona kojim se uređuje mjerodavnost Ureda za reviziju institucija u Federaciji BiH, kao vanjskog revizora. Većinsko državno vlasništvo ne određuje mjerodavnost za provođenje vanjske revizije za sva pravna lica, nego samo na ona pravna lica koja su taksativno navedena u pomenutom članu. Tako se i u skladu sa osnovama poslovnog prava i zakonskim kontinuitetom još od 1995.godine jasno razlikuju banke kao finansijske institucije od preduzeća navedenih u članu 11. (zakon o bankama, zakon o preduzećima, zakon o javnim preduzećima, zakon o privatizaciji banaka, zakon o privatizaciji preduzeća, zakon o početnom bilansu stanja preduzeća i banaka, zakon o reviziji privatizacije državnog kapitala u privrednim društvima i bankama i dr.).

Union banka je jedina komercijalna banka u većinskom vlasništvu Federacije BiH - Federalnog ministarstva finansija/financija, nema javne ovlasti i nije budžetski korisnik. Registriranu djelatnost obavlja u skladu sa posebnim propisima – Zakonom o bankama Federacije BiH i propisima koje donosi Agencija za bankarstvo Federacije BiH kao nadzorno i regulatorno tijelo u poslovanju svih banaka na teritoriji Federacije BiH. Navedenim propisima, usklađenim sa relevantnim standardima i propisima Evropske unije, jasno su, između ostalih, utvrđene i nadležnosti Agencije za bankarstvo Federacije BiH u pogledu kontrole i nadzora nad poslovanjem kao i provođenjem aktivnosti u reviziji finansijskih i drugih izvještaja banaka (izdavanje prethodne saglasnosti za imenovanje vanjskog revizora, utvrđivanje sadržaja vanjske revizije za potrebe Agencije za bankarstvo Federacije BiH, nadzor nad sprovođenjem revizije, prihvatanje izvještaja vanjskog revizora, obavljanje supervizije i dr.).

Provodeći odredbe Zakona o bankama Federacije BiH, poslovanje Union banke je transparentno te se godišnji izvještaji o poslovanju, izvještaji vanjskih revizora, te godišnje objave informacija, objavljuju na službenoj web stranici. Banka je kontinuirano revidirana od strane jedne od četiri najveća svjetska revizorska društva (trenutačno Ernst&Young) uz superviziju Agencije za bankarstvo Federacije BiH. Transparentnost poslovanja je na opisani način zakonski zagwarantirana i potvrđena kontinuitetom provedenog nadzora i od strane drugih nadležnih tijela u Federaciji BiH (Porezne uprave Federacije BiH, Uprave za indirektno

opozivanje BiH, Federalne uprave za inspeksijske poslove, Ministarstva unutrašnjih poslova Federacije BiH i drugih).


Union banka je zatražila i dobila stavove nadležnih institucija Agencije za bankarstvo Federacije BiH, kao regulatora i supervizora i Federalnog ministarstva finansija/finansija kao institucije preko koje se vrše vlasnička prava Vlade Federacije BiH u Union banci i predlagača Zakona o bankama Federacije BiH kao i Zakona o reviziji institucija u Federaciji BiH, kojim se Union banka upućuje na obavezu poštivanja Zakona o bankama Federacije BiH i drugih propisa iz oblasti bankarskog poslovanja i da najavljena finansijska revizija Ureda za reviziju institucija u Federaciji BiH nije u skladu sa nizom zakonskih propisa.

Union banka je u obavezi postupati u skladu sa Zakonom o bankama Federacije BiH, Zakonom o zaštiti korisnika finansijskih usluga Federacije BiH, Zakonom o zaštiti ličnih podataka BiH i drugim propisima koji se odnose na rad banaka uključujući i relevantne međunarodne standarde.


Ocjenu legalnosti postupaka Ureda za reviziju institucija u Federaciji BiH u ovom predmetu, Union banka zahtijevala je kroz sudsko odlučivanje i o svemu navedenom izjestila nadležno tužilaštvo.

S poštovanjem,

Vedran Hadžiahmetović,
predsjednik Uprave



Leon Begić,
član Uprave za operacije



Edin Mujagić,
član Uprave za rizike

